

Q. D. B. V.
De



ORDINE,

qvi dicitur,

ENSIFERORVM,

*publice disputando vires
experietur,*

PRAESIDE

CONRADOSAMVELE

SCHVRZFLEISCHIO,

PROF. PVBL.

ANDREAS Hornung/
Revalia-Livonus.

ad d. III. Ian. Anni c^o I^oc XXCV.

In Auditorio Maiori,

CVM PRIVILEGIO SEREN. EL. SAXON.

Disputatio XXII.

LIPSIAE, Apud NICOLAVM SCIPIONEM.
c^o I^oc XCIIX.





I.

DIU Germani in Livonia magnis viribus militarunt, et rudes barbarosqve populos semel iterumqve armis oppugnarunt, et Ordinem cum insigni ensis professi, Livoniam finitimasqve regiones subege- runt, ac religionis titulo id sibi licere rati, allatis et acceptis invicem cladibus, bellum sacrum gesserunt. *Arnoldus Lubecensis Cbron. Slavor. lib. VII. cap. 9.*

II. Cum haec fierent, Philippus et OTTO IV. Caesares in Occidente, dissidebant; in augusta ad Bosphorum urbe Balduinus Flander, summoto Duca Alexio, regnabat, cuius epistola de obsessa et capta Cpli supereft, qvam ad Ottonem perscripsit, dignam lectu, et non dubiam conversi Graeco-Romanorum Imperii testem. *Arnoldus lib. VI. cap. 19. 20. Godefridus Monacbus in annal. an. MCXCVIII. et an. MCCIII.* Sub idem tempus Romanae sedi praefuit Innocentius III. rebus ex utilitate sua ordinandis maxime sedulus, et religionis ac potentiae incrementa pari ratione metiri solitus, temporumqve apprime gnarus, qvi per execrationum formulas qvasi per fulmina Reges Principesqve terrebat, vel, si occasio posceret, vehementer ciebat, atqve in aliam mentem impellebat. Cuius epistolas emiserunt *Franciscus Bosq'etus, et Stephanus Baluzins*, quarum plerae qve ad Livoniam pertinent, et Innocentii industria ostendunt, atqve huic sane instituto lucem afferunt, qvas tamen scriptores vernaculi et vulgares, qvi de Ordine hoc commentati sunt, non lectitarunt.

III. His temporibus congruit Albertus, tertius in serie Antititum Livonorum, qvi Rigam, ad Dunam fl. situ ad aspectum pulchro structam, qvanto potuit conatu munivit, ut sedes ibi esset et praesidium contra feroce et non Christianos populos, et belli rebur foret seminariumqve coloniarum. *Albertus Cranzius Vanuoline lib. VIII. cap. 21.* Sed origo Rigae ab altiore initio

repetenda, atque cum aetate Meinhardi, primi Rigensium Antistitis, coniungenda est, ita ut respondeat an. MCXXCVI. si temporum rationes ineantur. Quam sententiam Arnoldi testimonio firmamus, quippe qui ad eosdem calculos revocat, annumque sedis ibi constitutae definit, quem modo tradidi, et approbavi. *I. VII. c. 9.* Hinc locus ille cultus religionis que causa frequentatus, et post decessum Meinhardi ac Bertholdi Antistitum, moenibus circundatus communitusque est, quod accidit, Alberto Antistite, qui effecit, ut formam dignitatemque urbis obtineret. Non explicatae tradit Ioannes Magnus, quum per occasionem rerum Sueogothicarum transit in regiones finitimas, et Rigam metropolin A. M CLXXXVI. coepisse affirmat, *bif. Gotb. lib. XVIII. cap. ult.* Fallit, si metropolin pro urbe sumit, neque accurate loquitur, si ultimam sedis episcopi originem denotat, propterea quod metropolis usu iuris pontificii sumptuoserius coepit. Peritior harum rerum fuit David Chytraeus, et explicatae scripsit, et in hoc argumento soleritiam probavit. *Vandal. p. 17.* Cum quo iungatur Caesar Baronius in *annal. eccl. t. XII. an. 1186.* Multae profecto sedes fundatae, multaque sacerdotia amplissima instituta sunt, priusquam ex occasione eorum urbes struebantur.

IV. Quo auctore equestrī ille Ordo initium cepit, mea refert, ut perqvīram, et si non convenit inter scriptores, qui omnem eō contulerint operam, ut explicatam redderent huius sodalitatis originem, quam tamen multa et longa exercitatio ne conseqrī non potuerunt. Mihi in eam curam incumbenti quaerendus est conditor, quem argumenta rerum ostendunt, et a quo rationes temporum honabhorrent.

V. Illo, et adhuc lubrico, rei Christianae statu, Albertus provinciam Episcopi Rigensis administrabat, et manu armisque utendum censebat, cum religio in discrimen veniret, et metuendus esset impetus non cultorum hostium, qui durum servitutis iugum graviter ferebant, neque id aliter depelli posse existimabant,

bant, qvam si Riga potentiae sedes excinderetur. Igitur Alber-
tus, futuri sollicitus, a Meinhardi, Livonorum *Apostoli*, mansve-
tudine discessit, et belli disciplina, armorumqve usu invasuros
coercuit, et munita moenibus Riga, pariter sacra et fortunas
omnes in tuto collocavit. Commodum tunc *Fratres* sacram
militiam professi, ad tuendam religionis causam exciti, insignia
duorum rubri coloris ensium, ab Innocentio III. suscepereunt,
et mutuo se cohortati, pro religione propaganda strenue cer-
tarunt, ut spatium terrarum, qvas occupaturi essent, sub auspi-
ciis Germanicis possiderent. *V. Caspar Schutz in Chron. rer. Pruss.*
p. 16. Baltasar Russovius in Cbr. Livonico, ex eog. Nicolaus Specht
in oratione de Livonia, qvae anno M DC XXX. evulgata est, Ioane-
nes Isaeius Pontanus in bīst. rerum Danicarum lib. VI. p. 260. Cyria-
cus Spangenberg in eo corrigendus, qvod Bertholdum priorem Al-
berto Antisitem appellavit Archiepiscopum, in speculo Nobilitatis
lib. XI cap. 10. Ioannes Caspar Venator de Mariano Teutonico eqve-
stri Ordine lib. I. cap. 2. Franciscus Modius, in libro singulari de Or-
dinum ecclesiasticorum origine, fatetur, sibi non liquere, qvo argu-
mento aut autore fratres militiae sacrae insignia sua gerant.
Christophorus Hartknoch ex auctore Cbronicī Ordinis refert, hos
Eques ab Alexandro III. Pont. Rom. institutos, et confirmatos, Al-
bertoqve Episcopo fuisse additos, in animadversionibus ad Petri
Dusburgii Cbronicō Prussiae part. III. cap. 28. Qvod vero non
est consentaneum, et priorsus atqve omnino temporum argu-
mentis repugnat. Nam diu ante fatis concesserat Alexander III.
qvam sedalitas haec instituta; et assensu Pontificis confirmata;
est, qvod fasti Pontificum, et annales illorum temporum eccle-
siaстici iuxta et profani evincunt. An. MC XXCI. vivis exemptus
est Alexander III. ut recte in annalibus Caesar Baronius suppu-
tavit. An. autem MCCV. Ordo eqvestris firma societate coivit,
et auctoritate Innocentii III. stabilitus est; ut in annalium ecclē-
siasticorum Baronii continuatione Henricus Spondanus comme-
morat ad b. an. Vbi idem nominat duas Innocentii III. episto-
las, ab iis diversas, qvibus causam ecclēsiae Livonicae fidelibus in

Saxonia finitimus tuendam commendavit; qvippe ex qvibus non eliciamus, confirmationem huius Ordinis ab Innocentio III. esse factam. Nihil de ea in his talibus epistolis reperimus, neqve alteras epistolas, qvae ad Ordinem spectant, reddidit Spondanus, contentus indicasse *Bosqvetum*, apud qvem extant: neqve haec mens Spondani fuit, ut auctoritate harum, qvas laudat, epistolarum, probare institueret confirmationem Ordinis, qvae Innocentio III. accepta fertur. In tota enim hac causa nititur consensu scriptorum, qvi de hoc Ordine prodiderunt. In qvo probandi genere non satisfacit mihi Hartknochius, novitus et diligens rerum Prussicarum scriptor, *in Prussia veteri et nova part. III. cap. 2.* A consequenti tamen ratiocinari licet, non posse dubitari, qvin praedictus Pontifex confirmarit hunc Ordinem, qvem tuendum suscepit, qvemqve patrocinio suo ornarit. *Vid. Innocentii III. epistolae 141. et 142. lib. XIII. collat. ep. 191. l. H. castigatoris et plenioris Stephani Baluzii editionis.* Idem Pontifex honorifice appellat, et litera maiuscula M. designat *bonae memoriae Meinhardum Episcopum Livoniensem*, et comparatione temporum instituta admonet, rem Christiani coetus in deterius lapsam, ope et auxilio defensorum instaurari opotere, *ep. 191. c. 1.* Qvamvis ibi haud nominarit fratres sacrae militiae, qvi *Ensifera* dicuntur, utpote qvi post Meinhardi tempora, qvae Pontifex respicit, societate coiverunt. Verba autem in extremo Innocentianae epistolae posita: *omnes, qvi ad defendendam Livoniensem ecclesiam, et Christianos in illis partibus confitentes, divino Zelo succensis duxerint transeundum, sub beati Petri et nostra protectione suscipimus, et eis apostolici patrocinii beneficium impertimur?* maxime spectant ad sacri belli socios, Christianis laborantibus subsidio ituros, qvos spe veniae delitorum, et fiducia patrocinii excitabat Innocentius III. qvae, occasio causaqve fuit instituendi Ordinis fratrum militiae Christi. Qvos expresse nominavit *in ep. 141. et seq. l. c. et ep. 191. 21. 23. 129. lib. XVI.* Fuit tunc praeful Rigensium Albertus, qvo ad clavum sacri muneris sedente, fratres militiae Christi in Ordinem.

coaluerunt. Igitur consentientibus rerum temporumqve argumentis monstrari potest, *in epistola 141. quae AL. Rigenfi Episcopo inscripta est*, non alium denotari, qvam hunc, de qvo saepius diximus, Albertum.

VI. Illud forte incertum obscurumqve videri potest, et adhuc interpretatione indiget, utrum Alberto tertio Livonorum Episcopo annitente et invitante, an etiam adiuvante et auspiceante, fundamentum huius Ordinis iactum fuerit, qvod sine odio et invidia edisseram, nec laude sua fraudabo Albertum, neqve tamen *Henrico Spondano* assentiar, qvi ei titulum *Apostoli* addidit, qvem potiori iure, et evidentiori ratione Meinhardo tribuendum duxi: qvippe qvi more *Apostolorum* non vi et armis, sed verbo et exemplis rudes incultosqve populos ad doctrinam salutarem instituit: contra Albertus gladium distrinxit, et bella gessit, ac signa intulit, et docendi partes cun militiae studiis vel coniunxit, vel commutavit. Nullae ceteroqvin tabulae etiamnum extant, qvibus coepti huius Ordinis gloria Alberto vindicatur: qvinimo suppetunt argumenta, qvae ostendunt, inter Episcopum et Ordinem multas et magnas fuisse lites atqve aemulationes. Proinde Innocentius III. omni confilio et industria elaboravit, et componendi dissidii causa auctoritatem suam interposuit, ac Episcopo, nisi acqvesceret, sacram censuram denunciavit. Etenim praesul Rigenensis in parte emolumenterum et *redituum* Ordini facessebat negotium, iniuriāmque inferebat: qvam facere eum vetuit Pontifex, et iustitiae ac aequitati consuluit, et fidem patrocinii Magistro fratribusqve militiae datam praestitit, nihilqve praeter officium admisit, si quidem ad tuendam Magistri fratrumqve causam pertineret. *V. epistole Innocentii paulo ante dictae.* Tum vero Arnoldus, gnarus, et aetate proximus probatissimusqve scriptor, literis mandavit initia et originem Ordinis, sed de auctore eius Alberto Episcopo nihil consignavit, et paulo post similitatem altercationemque, inter hunc et fratres militiae exortam, percensuit, ubi nihil annotavit *Bangerthus*, et si habere potuit, unde lucem afer-

ferret, nominatim ex Innocentii III. epistolis, quae hoc negotium maximopere illustrant, ep. 141. 142. l. XIII. Ita autem scriptum reliquit *Abbas Lubecensis Arnoldus lib. VII. c. 9.* *Multe etiam contineantias vorentes, et soli Deo militare cupientes, forma quadam Templariorum omnibus renunciantes, Christi militiae se dediderunt, et professionis suae signum in forma gladii, quo pro Deo certabant, in suis vestibus praeferebant.* Nec ideo tamen Ordini Templariorum subiecti erant, atque ea de causa suo et peculia-
ri signo ab illis discernebantur, ut anno tertio decimo Pontifi-
catus Innocentius III. ad Albertum in Livoniam perscripsit. Post
haec idem Arnoldus refert sequentia. *Orta tamen fuit inter Do-
minum Episcopum (Albertum) et fratres supra dictos, qui Dei
milites dicuntur (quorum tunc Magister erat Volquinus) quae-
dam intestina similitas et mirabilis quedam alteratio. Dicebant
sane fratres, ipsorum iuris esse tertiam partem totius gentilitatis,
quam Dominus Episcopus vel verbo prædicationis, vel violentia
expeditionis obtinere potuisset. Qvod cum Episcopus omnino eis
negaret, facta est inter eos gravis discordia, ita ut multum con-
tra ipsum in curia Romana laborarent, nec minus Dominus Epi-
scopus suam sententiam confirmaret.* Qvare Innocentius III.
Christianae reipublicae utile futurum ratus, compositionem
svasit, et capita conventionis auctoritate sua approbavit, ea le-
ge, ut Ordo tertiam partem terrarum Lettiae et Livoniae, con-
cessu Rigenis Episcopi, teneret, et illarum ratione Magister Or-
dinis obedientiam sponderet, neutiqvam vero onus servitii
praestandi imponeretur, nisi qvatenu ad defensionem eccle-
siae, et operam bello contra infideles navandam pertineret: re-
liqvas terras, quas extra Lettiam et Livoniam ditionis suae face-
rent, Episcopi beneficio non agnoscerent, et suo iure (salvis Imperii
auspicis) possiderent, ep. 141. d. l. Ex qvibus licet perspicere,
qua ex ratione et causa is ipse Ordo et summa dignitate auctus,
et in Principum Imperii Ecclesiasticorum numerum relatus
fuerit: qvod tamen serius, ac diu post tempora Volqvini usuve-
nit, quum Valterius Plettenbergius, XLIII. Magister Ordinis in

vonia in senatum Principum ritu solenni ascriptus est, non abnuente Alberto Marchione, Ordinis Teutonici Magistro ultimo, a qvo, in clientelam Polonicam se daturo, libertatem pactus *Cruciferorum*, Imperio nuncium remisit. Qvam principalem dignitatem, et sessionis suffragiique ius etiam testatur *R. I. 1530. §. 145. Conf. Chytr. Saxon.*
I. I. qui Vandalia (rectius Vendia) *inscribitur p. 21. Io. Casp.*
Venator lib. I. cap. 2. qui Plettenbergium XLI. Ordinis Ma-
gistrum vocat, initio rationum sumpto ab Hermanno Salzio,
qvo gerente magistratum sodalitatis Prussicae, Ensiferi in
Ordinem Teutonicorum militum, qvi Cruciferi dicuntur, sunt
asciti.

VII. At enimvero istae lites, qvae inter Rigae, Antistitem, et sacrae militiae socios subinde excitatae sunt, nihil impediunt, qvominus Alberto totam hanc instituti per Livoniam Ordinis laudem relinqvamus. Nam et si non inermis, neqve inexcitatus miles erat Albertus, tamen suis viribus confidere non poterat, bellumqve in dies acrius futurum providebat, et subeuntibus animum curis, validas cohortes et matura auxilia quaerebat, proprio in hanc sententiam Pontifice, et liberaliter pollicente Dei opem, et omnis admissi veniam, si ad arma irent, qvibus pietas praetendebatur, revera autem agendi faci imperii cupiditas tegebatur. *Albertus Coialovviz biss.*
Lstb. lib. IIII. pag. 75. Gratum hoc Antistiti Rigensium accidit, qvi sciret alliciendi artes, et prospera rerum fama, magnisque praemiis milites invitaret. Horum flagrantibus animis opinio belli sacri, et gloriae studium, ditescendi spes, et aliena occupandi desiderium faces addiderunt. Nam provinciae *infidelium*, qvae erant extra Livoniam, in belli pretium cœsurae offerebantur: intra Livoniam haec una muneris administrandilex erat,

ut, quoties flagitaret necessitas, copias suas in campum deducerent, et pro re Christiana propugnarent : de cetero ad praestanda Episcopo servitia non astringerentur. *Id quod ex monumentis illius seculi ; actis istorum temporis, et pactis utringue conventis, et Innocentii III. epistolis colligi baud obscure potest.* Ad haec illa sacerdotum equestrium sodalitas, quae ab aris ad arma arcessita est, non audebat sibi sumere ius instituendi Ordinis in regione aliena, et Episcopo quae sita, nisi Episcopus annueret, penes quem concedendi auctoritas fuit. Hinc Albertus II. attritis Eqvitum rebus, enixe studuit, ut summa eius Ordinis transferretur ad Magistrum et fratres sodalitatis Teutonicae, quorum auspicio et ope vires reficeret, et stare contra hostes possent. *Quod negotium et si non statim confectum est, tamen huius Antistitis intercessio eo valuit, ut Ordinem ab Alberto I. conditum nolle opprimi, et aperte indicaret, eum sibi potissimum curae esse, quem et in vitae consuetudinem, et arctissimam foederis societatem recepisset. V. Petrus Dusburgius Cbron. Pruss. part. III. c. 28. Paulus Oderbornius de vita Basfidis libro II. C. Schuz. an. 1238.*

VIII. Cum ex consensu et mutuo pacto Prussiae et Livoniae Eqvites sese obligarent, Hermannus a Salza, a gentili praedio cognomen hoc adeptus, cum dignitate Magistri generalis Ordinem Teutonicum in Prussia regebat, qui Ann. MCCXXXVIII. Fratres Livonicos, obsequium professos, suo et successorum nomine tuendos suscepit. Non habenti idoneos sententiae auctores, qui post Hermanni obitum, *Ensiferos* sodalitati Teutonicae coniunctos putant, quos Prussici annales coargunt, et tabulae confirmationis Pontificiae refellunt. Ille autem non ambiguis indicis liquet, caeso a Lithuania

nis Volqvino, Eqvites Livonicos coaluisse cum Prussicis, qvod consilium pro rei necessitate susceptum atque confessum est: et si Volqvinus hanc gratiam ab Hermanno inire non potuit, magno qvidem detimento Ordinis, et funditus perituri, nisi propter rei Christianae utilitatem petitioni tam aeqvissimae locus tandem datus fuisset. Qvae res labenti iam et fatigenti Livonicorum militum Ordini opportuna accidit, et Gregorio IX. Pont. Rom. valde probata est, qvi hoc ad dignitatem suam pertinere crederet, ut eqvites Livonici, hoc praesidio tuti essent, et in fide ac clientela Teutonicorum Prussiae permanerent. Qvare eam coniunctionem auctoritate sua firmavit, qvod haec corrigendae illorum fortunae ratio expeditissima videretur. Occurrabant animo superiores clades, et foedi eventus praeliorum cum barbaris commissorum, iamqve infesta Valdemari, Danorum Regis, consilia, in perniciem Livonicorum militum eruptura, timebantur, qvum stabili decreto opus erat, ut perpetua *coniunctione* adaugerentur vires utriusqve Ordinis, qvod causa belli communis, et labor periculumqve par esset. *Petrus Dusburgius* memorat *Dominum Papam*, confessi negotii autorem, qvi non fuit aliis, qvam Gregorius IX. eiusdem aetatis Pontifex, et in publicis tabulis, in quibus Ordinis privilegia sanciuntur, nominatus. *Conf. Venator lib. I. cap. 2. p. 26. lo. Is. Pontanus* cetera accuratus elegansqve scriptor, nimis studet Valdemari II. partibus, qvippe Vetteldium nationis suae studiosissimum secutus, et Livonicos Eqvites non recte Templarios vocat, neqve in designatione temporum congruit, *bifl. lib. VI. anno MCCXXXIV. C. Scbz in Cbr. ad b. an.* commode intelligendus est, qvum hortatu Volqvini coniunctionem factam scribit, qvippe qvae ab eo qvidem vehementer

expetita, sed non impetrata, et aliquanto post ipsius mortem ad exitum perducta est, prout Dusburgius confirmat. *Conf. Matthaeus Dresserus Isag. Hist. millen. VI. p. 293.* *Cronicon Ordinis Cruciferorum in Hermanno a Salza.* *Chytræus in supputatione annorum discrepat, et annum MCCXXXIV.* hac memorabili coniunctione insignitum cupit. *Io. Baptista Ricciolius* in hoc argumento sibi non constat, et res rationesque conturbat. *Cronol. Ref. tom. III. p. 93.* Aliqui hic confundunt approbationem Ordinis in Livonia coepti, et confirmationem coniunctionis Eqvitum Livonicorum ac Teutonicorum: quarum altera ab Innocentio III. facta est, altera ad Gregorium IX. spectat. Implicitae hic quorundam rationes sunt, quas nihilo explicatores reddidit *Christophorus Hartknobius in Chron. Pruss. part. III. c. II. p. 279.* Vbi si pro Innocentio III. dixisset Honorium III. proprius a vero dixisset. A. M CC XVI. Innocentius III. vivere desiit, *apud Nauclerum vol. III. gen. XLI. b. an.* Huic suffectus est Honorius III. qui annum MCCXXVI. supremum habuit, surrogato in eius locum Gregorio IX. *ut est apud eundem b. an.* Qui omni studio operaque contendit, ut sacrae expeditiones fusciperentur, et Ordini Eqvitum enses ferentium, remedio necessitate expresso, consuleretur. Hinc sequentia monumentis commendavit Nauclerus Vol. III. gen. XLII. *Erant per id tempus in Livonia fratres religiosi, vulgo dicti, de Gladio. Hippaeter crucem babebant in vestibus gladios affixos, militabantque pro fidei defensione contra paganos.* Et quia videbant negotium Ordinis B. Mariae indies prosperari, habitis binc inde tractatibus, per Rom. Pontificem voluntarie se passi sunt Teutonicorum religioni uniri. Hucusque Nauclerus, qui constituit signaque annum *coniunctionis 1239.* quo Pontifica-

ficatum Gregorius IX. Imperium Occidentis Fridericus II. Orientis Balduinus II. tenebat;

IX. Eodem tempore honestis utrinque conditio-
nibus approbatum est, ut Riga deinceps omnium Prussi-
ae sacerdotiorum caput esset, et ab omnibus Prussiae An-
tistitibus summo honore et veneratione *metropolis* agno-
sceretur. Qvod rebus utrinque sine odio et invidia
constituendis perutile, atque ab aeqvitate haud alienum
est visum, ut, qvemadmodum Livonici eqvites, in fide et
clientela Ordinis Mariani se futuros, magno Magistro fi-
dem dedissent, sic Antistites Prussici deinde Archiepisco-
po Rigeni obnoxii censerentur, aemulationumqve oc-
casiones inter utramque nationem apto salubris tempe-
ramenti instituto praeciderentur. Statim ut haec acta-
sunt, Gregorius IX. commodi et dignitatis suae causa,
officio non defuit, et omnia, de qvibus ultro citroqve con-
venerat, rata habuit, atque adeo Albertum huius nomi-
nis II. in serie Rigenium Antistitum V. primum autem
inter omnes Archiepiscopum, ritu solenni inaugurandum
curavit. *Pontano* igitur non fuit causa, cur dubitaret
secundusne, an qvintus appellari mereatur, *in libro supra
adducto an. M CC XXXIV.* Sed neqve hoc melius affir-
mat, Episcopos Livoniae Revalensem, Torpatensem
seu Derpatensem, Oesiliensem, Curonicum, sive Curlan-
dicum ad metropolin Archiepiscopi Lundensis in Scania
fuisse relatios. Hi enim perinde ac Episcopi Prussiae
Culmensis, Sambiensis, Pomesaniensis, et Varmiensis, ex
decreto Pontificis, ad metropolin Rigensem pertinebant:
Varmiensis postea exemptus, neminem praeterquam Pon-
tificem Rom. admisit, sed rebus in Livonia mutatis, non
repugnante sede Romana, metropolin Gnesensem agno-
vit. Frustra *Zeillerus* Habsliae Episcopum annumerat,

eumque ab Episcopo Oesiliensi distingvit, sui oblitus, cum ignorare non posset, Habsaliam Episcoporum Oesiliensium extitisse sedem, in *Livoniae nova descriptione p. 229. collat. p. 266.* Tum vero huius rei ratio habenda fuit Paulo Oderbornio, nimis audacter pronuncianti, Riga semper fuisse metropolin. *Riga, inquit, Archipraesulem semper habuit, in libro II. supra laudato.* Nam quatuor certe Praesules Riga ab initio originis suae habuit, Meinhardum, Bertholdum, Albertum et Nicolaum: Archipraesulum dignitatem ibi auspicatus est Albertus II. In quo annales ecclesiastici illius gentis cum externis scriptoribus, Martino Cromero, Arnoldo Vetteldio, Davide Chytraeo, Io. Is. Pontano, Caspare Bruschio, consentiunt, et summatim legi atque conferi possunt Balthasar Russovius, et Aubertus Miraeus; *ille in Chronicō gentis suae Germanico, hic in notitia Episcopatum, et libr. de Orig. Ord. eqvestr.* ubi tamen plerunque in nominum et rerum designatione haesitavit. Alioquin de Archiepiscopo Scaniae fatendum est, eius auctoritatem et iurisdictionem *ecclesiasticam* in Septentrione olim latissime patuisse, atque ex edicto Hadriani IV. Pontif. *primatum regni Sueogothici* tenuisse, et huius auctoritate munera ecclesias ibidem procurasse, et Esthoniae, regno Sveonum tunc coniunctae, Episcopos imposuisse, ut intelligitur ex *Petri Cellensis ep. XV. lib. VI.* Qvare sic tandem Esthonia Polonis invasoribus erepta, et pace Olivensi cessa, postliminio rediit ad Svedos, *qvorsum spectat §. IV. pacis Olivensis.*

X. Postea Livonici Eqvites, redintegratis *coniunctione* viribus, maiori in finitimos odio exarserunt, Danis-

nisque pactione placatis , ductu Hermanni Valki Magistri Russis Plescoviam eripuerunt : hinc cum ingenti exercitu ad Curonos subigendos processerunt, ac Lithuanis iusta acie profligatis, coepito bellandi adeo non destiterunt, ut qvoqve Semigalliam peterent, ac dirioni suae subiicerent, et rebus secundis elati, cladem sibi, ac prope Ordini suo interitum afferrent. Nec mirum est, expeditiones eas non esse prosperas, qvae iusta ex causa non suscipiuntur, qvamvis fortuna ad tempus indulgeat , et ambitioni blandiatur. Nam et ante fatalem conversionem praeferoces Samogitas, qvorum impetus frangi non poterat, domuerunt , et finium controversias cum Lithuanis ferro et armis transegerunt, et belli Polonici molem fortiter sustinuerunt, donec suis tantum viribus , nondum coniuncta Lithuania, militaret. Russos e sylvis et solitudinibus egredi ausos, in ipso belli conatu represserunt, cum nondum Scythis in Asiam porrectis imperarent, qvorum regna Basiliades oppressit, et Casani atqve Astrachani accessione auctus, potentiam Livonicae sodalitati terribilem conflavit. Priusquam vero ab externis hostibus infestati et attriti sunt, armis in viscera versis , ignari instantium, haud obscura signa exitii dederunt. Etenim prosperis rebus , bellorumqve successibus inflati, contra promissorum pactorumqve fidem, multa insolenter fecerunt, et omnem Archiepiscopi Rigensis potestatem sibi sumere, iusque et dignitatem Livoniae Principis, qvae ad eum spectabat, sibi tribuere , et arces possessionesqve invadere , et trahere ac transferre opes, et qvovis modo incepta perficere decreverunt. Inter hos *Ioannes Ostboffius a Mengeden*, Magister Livonorum Eqvitum, ira et ambitione incitatus , copias eduxit, et Sylvestrum Rigae Archi-

chiepiscopum adortus est, nec cupiditati suae modum statuit, et pacem foedusqve rupit, eo maxime rerum statu, qvo Tevtonici Eqvites bello Polonico distracti, de summa rerum periclitabantur. Qvibus rebus evenit, ut neutri suam dignitatem tueri possent, nec meliore loco essent res Prussorum, qvos praeter alia temporum mala, tunc summa difficultas numaria premebat, adeo ut conducti milites ob stipendia non persoluta turbarent, et plerasqve Prussiae urbes pignoris nomine Polonis obligarent, qvas Casimirus Rex repetenti Magistro generali neutiqvam reddidit, et qvomodo reliqua Prussia potiretur, cogitavit, *Vid. prater Russovium Cbytracu s p. 20. d. l. Venator lib. II. cap. 8.* Sed hos aliosqve superiorum Livoniae Magistrorum errores correxit Valterius Plettenbergius, cuius prudentia omnium monumentis celebratur, et fortitudo notior testatiorqve est, qvam ut hoc loco a me describatur. Qvi simul atqve ad provincialis Magistri dignitatem pervenit, nihil antiquius habuit, qvam ut intestina Livoniae dissidia componerentur. Id consilium ei bene cecidit, postqvam Rigenses cum Ordine in gratiam redierunt, et metu communis periculi, qvod a Russis imminebat, auxiliu atqve officiorum societate de novo se coniunxeruht. Qvare Russos in Livoniā progressos repulit, exercitumqve eorum fudit, nec multo post praelio apud Plescovium commisso, magnam hostium stragem edidit, et Russorum Scytharumqve circiter centena millia delevit, reliqui fuga dilapsi, vel audito Germanorum nomine, cohoruerunt. Hinc Russi qvinqinta annorum inducias petere coacti, Livoniā populari desierunt, nec sine perturbatione cladis proximae recordati, victores Germanos *viros ferreos* appellarunt.

A-
le-

Alexander Guagninus in Sarmatia Europaea, et speciatim in Livoniae descriptione. Hic est Plettenbergius, quem Carolus V. in Principum Imperii numerum ascripsit, qvo Magistri provinciam tuente, eqvitum Livonicorum res maxime floruerunt.

XI. Cum Valtero Plettenbergio, Ordinis huius felicitas extincta est, propterea qvod seqventes Magistri sublata aeqvitate, et neglecto concordiae studio, per malas dominandi artes ad opprimendum Rigae Archiepiscopum, et occupandum totius Livoniae imperium connitebantur. Grave hoc in primis videbatur Archiepiscopo Gvilielmo, summae familiae Principi, magnisqve necessitudinibus innixo, et Regis Poloniae Sigismundi ex forre nepoti, haud passuro eripi libertatem. Qvam cum suis viribus tueri non posset, cum Rege Poloniae de patrocinio ac defensione actum est, qvod Eqvites, potentia sua fretos, ab incepto non retraxit. Movetur bellum, et in arce Kokenhusana obsidetur Archiepiscopus, nec multo post ad ditionem compulsus, in custodiam datur, ac integro anni spatio ibi detinetur. Post haec Sigismundus Augustus rei indignitate permotus, misit legatum cum plenis mandatis, qvi Magistrum ad liberandum e vinculis Marchionem exhortaretur. Sed ille suo et Ordinis malo pertinax, exorari non potuit, ratus eam Praefulsi captivitatem per sibi esse opportunam, qva viam muniisset ad opprimendum Archiepiscopum, maxime Ordini suo metuendum. Erat is qvidem multas obres invisus, in primis autem hanc ob causam, qvod suo arbitratu qvaedam contra instituta et leges fecisset, neqve expectato Procerum ecclesiasticorum consensu, *Adiutorum* sibi Christophorum Ducem Megapolitanum consti-

tuisset, et cum Rege iam diu Livoniae inhiante, atque cum agnato Alberto, ab Imperii societate averso, ad extirpandos Ordinis sui Eqvites conspirasset, qvippe qvod, literis interceptis, palam esset. Archiepiscopus initiatione facti se defendebat, iure suo non cesserus, qvod non dubitaret, Regi se esse curae, cuitis amicitia et necessitudo spem liberationis faciebant. Multum vero in Magistri, Gvilielmi Furstenbergii, moderatione desideratum est, qvi legato rebus infectis dimisso, Regem pro nepote solicitum, hac repulsa vehementer commovit, ut eas Magistri iniurias haud negligeret, bellumqve ex SCto Procerum decerneret, stimulante eum Caspare Munstero, qvi Magistrum sibi in eo munere praelatum, spreti pacis consilii poenam dare cupiebat. Qvare ut Furstenburgius totum belli Polonici impetum exciperet, necesse erat, nisi eum mox consilii poenituisse. Rex etsi ad expeditiōnē paratus, tamen vicit animūm, iramqve cohibuit, et placari se passus est, si qvidem conditiones de restituendo Archiepiscopo, et sarcendis damnis impletret. Nōni obniti ausus Mägister, ominia facturum se recipit, et Archiepiscopo custodia liberato, Regem adit, et dicta promissaqve praestat. *Alex. Gvagninus in descriptione Livoniae, Tilemannus Bredenbachius in historia belli Livonici p. 226. seq.*

XII. Postea e vita excessit Archiepiscopus Rigenensis, qvando Sigismundus, Livoniā defensioni suae imparem conspicatus, flagitavit, ut sacramentum sibi diceret, fidemqve obseqvii religione obligaret. Christophorus Mecklenburgius, qvem *Adiutorēm Gvilielmus* sibi astiverat, fœdere et amicitia Erici Sveonium Regis confirm-

firmatus, totam Archiepiscopi regionem sibi vindicabat, sed in initio et conatu resistendi captus, atque in Poloniā abductus, plus quinque annis in custodia permanēvit. Cetera Livonia, quae Ordini parebat, captivitate Magistri Furstenbergii, cuius liberandi gratia Ferdinandus Caesar, et Magnus Teutonici Ordinis Magister VVolfgangus, dimisere Legatos in Russiam, qui post multas negotiorum itinerumque molestias, spe frustrati in Germaniam redierunt, Furstenbergius, in quem Russorum Imperator culpam belli contulit, diu in vinculis habitus, et in ea calamitate mortuus est, cum totus ille tractus, quae in Ordinis fines descriptus erat, magno in metu periculoque versaretur. Ita potius Livoniæ occasio-
nem nactus Rex, amplas et opulentas, ac sanguinis Germanici impendio partas regiones, ab Imperio Germanorum, sine Imperatoris et Principum assensu secesserunt, ter-
rasque antea Archiepiscopō, et Magistro obnoxias, in di-
tionem Polonicam rededit, atque in Lettia et Livonia
ducatum instituit, ac regno Poloniae coniunxit: Cur-
landiam et Semigalliam Gottliardo Kettlero, quem Fur-
stenbergius *adiuorem* sibi sumpserat, titulo et dignitate
Ducis legē beneficiaria tenendas, MDLXI. attribuit atque
concessit. *V. Salomon Neugebauer hist. Polon. lib. VIII.*
Chytraeus in Saxonia p. 21. Revalia, murus et propugna-
colum contra Russos, Erico Sveonum Regi se permisit, et
Magistro Livoniae obsequium renunciavit, quam tota de-
inceps Estonia secuta est, et imperio ditionique Regis
se subiecit. Priusquam hoc fieret, Carolus V. ut pacta
Gandavensis docent, patrocinium tutelamque huius pro-
vinciae Regi Svediae obtulit, propterea quod Russi cum
infestis signis in Harriam moverant, et omnia crudeliter

diripuerant, Revaliam occupaturi, nisi Revaliensis populus, accepto praesidio, contra vim impetumque hostium se firmasset. Haec Ioannis Basildis irruptio contigit anno MDLV, qvo terror et desperatio plurimorum animos incessebat, cum immanitatis Russicae nullus finis modusque esset, et rapinae, caedes, vastitasque et solitudo passim conspicerentur. Igitur vel deditio pacis cenda servitus Russica, vel patrocinium praesidiumque Svedicum certe admittendum erat. Caesari, praeter alias rerum temporumque difficultates, magno locorum intervallo disiunctus, opem ferre non poterat, neque alia liberandi ratio occurrebat, quam ut in patrocinii clientelaris fidem acciperetur. Qva de causa Ferdinandus I. et Maximil. II. non repugnarunt, qvominus tota ea provincia sub tutela Svedica se defenderet, et suo atqve Imperii iure servato, consuleret saluti sua, ac profligaret Russos, qui iam plerasque urbes et tractus, in potestate sua habebant, et cupiebant, ut Magnus Holsatiae Dux fiduciarium et clientelare regnum, beneficio Ioannis Basilii agnoscendum, conseqveretur. V. David Chytraeus Chron. Sax.

lib. XX. Simon Schardius rerum Germanicarum

c. IV. p. 140. Michael Caspar Loddorpius

Act. publ. cont. lib. IX.

cap. I.

) : o : (